




JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Relatóriu Institusionál

2023



Hamutuk hodi ko'alia sai no haforsa justisa no lialoos ba ema hotu

**PROMOVE DEMOKRASIA, DIREITU UMANU, JUSTISA NO
GOVERNASAUN DI'AK**

TABELA KONTEÚDU

Kona-ba JSMP	4
Vizaun	4
Misaun	4
Istória.....	4
Serbisu.....	4
Organograma	5
Asembleia Jerál	6
Konsellu Diretivu/Board JSMP	7
Konsellu Ezekutivu	8
Estrutura Ogarnizacionál	9
Introdusaun husi Diretora Ezekutiva	10
Reuniaun Anuál Asembleia Jerál	12
Reuniaun Mensál Asembleia Jerál	13
Reuniaun Konsellu EzekutivuError! Bookmark not defined.
Dezempeñu no kapasitasaun pesoál	15
Monitorizasaun ba Tribunál	17
Tabela totál númeru autór judisiáriu iha 2023 nian.....	17
Gráfiku 1: Totál kazu krime no sivíl entre 2022 & 2023	17
Gráfiku 3: Totál kazu móvel husi kada munisipiu entre tinan 2020-2023	18
Gráfiku 5: Totál kazu violénsia doméstika no violasaun seksuál husi kada munisipiu kompara ho krime seluk.....	19
Gráfiku 6: Tipu desizaun ba kazu violénsia doméstika	19
Gráfiku 8: Númeru kazu envolve ema ho defisiénsia	20
Gráfiku 11: Totál kazu envolve labarik husi kada munisipiu kompara ho krime seluk.....	20
Gráfiku 12: Totál kazu assisténsia legál husi periodu 2023	20
Monitorizasaun ba Parlamentu Nasionál (PN)	21
Reuniaun Plenaria no Komisaun A Parlamentu Nasionál.....	21
Gráfiku 13: Númeru lei PN halo entre 2021-2023	22
Gráfiku 14: Númeru rezolusaun ne'ebé PN halo entre 2021-2023	22
Gráfiku 15: Númeru lei foun no lei alterasaun ne'ebé PN halo entre 2021-2023.....	22
Treinamentu	23
Advokasia: Enkontru, Semináriu no Audénsia	37
Lansamentu relatóriu	46
Relasaun no Kooperasaun ho ONG Nasionál & Internasionál	48
Relasaun no Kooperasaun ho Universidade Lokál no Estranjeiru	49
Vonluntáriu Nasionál no Internasionál	50
Enkontru no Asina Kontratu ho Doadór	51
Publikasaun	54
Programa Televizaun & Rádiu	55

Halibur osan/Fundraising.....	60
Orsamentu	61
Tabela 2: Orsamentu 2023.....	61
Atividade 2024.....	62

Kona-ba JSMP

Vizaun

Sosiedade demokrátiku ne'ebé garante justisa no direitu umanu ba ema hotu.

Misaun

JSMP sei serbisu ho espíritu kolaborativu hodi promove no proteje demokrasia, lei, justisa no direitu umanu liuhosi:

Monitorizasaun
Edukasaun
Advokasia

Istória

Programa Monitorizasaun Sistema Judisiál (JSMP) estabesele iha 28 Abril 2001 iha Dili, Timor-Leste hodi monitoriza prosesu Tribunál Direitu Umanu Ad Hoc iha Indonézia no Painél Espesiál kona-ba Krime Grave iha Timor-Leste.

JSMP eziste hanesan organizasaun la buka lukru ka *not-for-profit* ne'ebé serbisu atu hadi'a no haforsa sistema judisiáriu no lejizlativu iha Timor-Leste.

Serbisu

JSMP hala'o atividade monitorizasaun ba prosesu julgamentu iha Tribunál Distritál haat no Tribunál Rekursu, nune'e mós relata dezvoltamentu iha sistema justisa formál. JSMP mós monitoriza atividade Parlamentu Nasionál nian no Komisaun Permanente sira, partikularmente Komisaun A. JSMP normalmente prodús relatóriu anuál, relatóriu temátiku, sumáriu kazu, komunikadu imprensa, no analiza asuntu temátiku sira iha setór justisa no lejizlativu no hakerek submisaun ba ezbosu lei sira ne'ebé desenvolve husi Governu no Parlamentu Nasionál.

JSMP mós fornese edukasaun legál ba comunidade sira hanesan parte ida atu hasa'e comunidade sira-nia koñesimentu no kompriensaun kona-ba sistema justisa formál, lejizlativu, demokrasia no direitu umanu. JSMP serbisu ho comunidade, polisia, grupu fetu, autoridade lokál, Konsellu Suku, estudante no jornalista sira atu atinje nia vizaun no objetivu estratéjiku sira.

Organograma



Asembleia Jerál

Prezidente:

Jose Pereira

Viseprezidente:

Lidia Borges da Silva

Membriu:

- 1) Ana Paula Marçal
- 2) Casimiro dos Santos
- 3) Flora Menezes Soriano
- 4) Eurosia Maria Almeida de Fátima
- 5) Jose Maria Moniz
- 6) Rita de Jesus Guterres
- 7) Adolfo Soares
- 8) Ingrasia Pereira da Costa Maia
- 9) Filomena de Almeida
- 10) Elvino Sarmiento Freitas
- 11) Emanuel R. Soriano
- 12) Mateus Xavier
- 13) Paulo Nunes
- 14) Otavio Hornay
- 15) Agustinha Lila da Costa
- 16) Agustinha Lila da Costa
- 17) Angelina Nine
- 18) Jubeleia Adriany de J. Vidigal
- 19) Adelina Freitas Correia
- 20) Everisto dos Reis Ferreira
- 21) Manuel Rui da Cunha
- 22) Adão da Cruz Fernandes
- 23) Luis Soares
- 24) Moises Mali

Konsellu Diretivu/Board JSMP

Prezidente:

Sr. Joaquim da Costa Freitas, Eis Koordenadór ba Fundu Apoiu
Sosiedade Sivil Gabinete Primeiru Ministru (PM)

Viseprezidente:

Sr. Jose Neves, Eis Vise-Ministru Edukasaun Kultura

Membru sira:

Sra. Isabela Gailos, Porta voz Movimentu Arquires

Prof. Dr. Lucas da Costa, ME, MSi, Eis Reitor UNPAZ (Falesidu)

Sr. Aniceto Neves, Dosente Fakultade Siéncia Sosiál Política UNTL

Sr. Julio Alfaro, Fundadór no Eis Prezidente CCI-TL

Sra. Eurosia Maria Almeida de Fátima, Peskizadora JSMP

Konsellu Ezekutivu

Diretora Ezekutiva:

Ana Paula Marçal

Jestór Programa:

Casimiro dos Santos

Membru:

Koordenadora LRU & UTA:

Flora Soriano Menezes

Koordenadór POP:

Jose Pereira

Jestora Finansa:

Ingrasia Pereira da Costa Maia

Ofisiál Rekusru Umanu no Administrasaun:

Agostinha Cabral Soares

Estrutura Organizacional

Diretora Executiva: Ana Paula Marçal

Jestor Programa: Casimiro dos Santos



Introdusaun husi Diretora Ezekutiva



Iha 2023 mezmuke JSMP kontinua hasoru problema, susar no dezafiu oinoin, JSMP mós konsege marka susesu lubuk ida ho grasa Maromak nian no esforsu tomak funsionáriu hothotu nian.

JSMP aproveita dala ida tan ho loron anivsersáriu JSMP nian ba XXIII iha 28 Abril 2024 ho orgullu lansa ba públiku nia Relatóriu Institusionál 2023 ne'ebé sumariza serbisu no susesu sira ne'ebé JSMP hetan durante tinan 2023.

Susesu ne'e nu'udar parte ida hosi kontribuisaun no serbisu maka'as hosi funsionáriu sira hotu nian liuhusi unidade idaidak, inklui parseiru sira JSMP nian. Ne'eduni, ha'u lori JSMP nia naran la haluha hato'o agradese wa'in ba parte hotu ne'ebé kontribui ba susesu boot ida ne'e, partikularmente doadór sira mak hanesan, Governu Timor-Leste liuhosi projetu Fundu Sociedade Sivil, Ministeriu Interiór liuhosi parseria ho UNWomen Timor-Leste no mós Governu RAE OA, Governu Austrália liuhosi TAF Nabilan, Governu Nova Zelândia liuhosi Projetu PASK, UNDP/KOICA no HIVOS no mós doasaun hosi Advogadu Australianu sira iha Victoria, Australia liuhosi Kompañia Friends Against Domestic Violence in Timor-Leste.

Iha 2023, JSMP kontinua ho apoiu finanseiru hosi doadór sira-nian no serbisu maka'as funsionáriu sira-nian, konsege halo monitorizasaun ba kazu krime hamutuk 533 no kazu sivil hamutuk 6 iha tribunál sira hotu. Iha parte asisténsia legál konsege fó asisténsia ba kazu krime 124 no kazu sivil 3 husi munisípiu 6. Iha setór lejizlativu nian, JSMP mós konsege halo monitorizaun ba sesaun plenária hamutuk 85 hosi total ajenda plenaria 159 no enkontru Komisaun A hamutuk 4.

Enkuantu parte advokasia nian, JSMP hakerek paraser no sumáriu analiza no peskiza lejizlativu hamutuk 7. Alende ne'e, JSMP mós fornese formasaun ba

komunidade rurál sira, estudante universitária husi UNPAZ, membru membru sociedade sivíl sira seluk kona-ba Kódigu Penál, Kódigu Sivíl, Lei Kódigu Laboral, Tráfiku Umanu, knaar autór judisiáriu sira, prosesu justisa formal no halo advokasia hamutuk ho grupu advokasia ba kriasaun lei kona-ba asesu ba informasaun.

JSMP mós prodús sumáriu kazu 47, relatóriu anuál hamutuk 3, komunikadu imprensa 43, artigu ba jornál 196 no programa TV 2.

JSMP kontinua fornese informasaun ba públiku kona-ba sistema justisa formál no prosesu lejizlativu iha Timor-Leste liuhosi meiu habelar informasaun sira mak hanesan programa rádiu, programa televizaun, komunikadu imprensa no artigu ba jornál, website, Facebook, Twiter no lista e-mail JSMP nian.

JSMP mantein ho nia programa sira no nafatin iha kompromisu atu implementa atividade sira hotu iha parte monitorizasaun ba tribunál no Parlamentu, edukasaun legál ba comunidade no advokasia atu atinze nia vizaun ba sociedade demokrátiku ida ne'ebé garante justisa no direitu umanu ba ema hotu.

JSMP sei kontinua hametin relasaun ho parseria lokál no internasionál sira. JSMP espera katak ho sira-nia apoiu, JSMP bele kontinua nia serbisu iha futuru ho rezultadu no progresu ne'ebé di'ak no boot liután.

Dili, 28 Abril 2024



Ana Paula Marçal
Diretora Ezekutiva

Reuniaun Anuál Assembleia Jerál

JSMP tuir provizaun Artigu 15 pontu 1) kona-ba reuniaun Assembleia Jerál nian prevee katak JSMP reune ordinariamente tinan ida dala ida iha Loron Planu Anuál hodi halo Avaliasaun no Revizaun ba Programa no Política JSMP, Situaun Finanseira no Apoio Doadór no Planu Asaun Anuál ne'ebé sei hala'o iha fulan sira antes taka tinan fiskál kada tinan. Nune'e, JSMP kada tinan reune membro hotu hodi diskute halo revizaun ba programa, planu no orsamentu instituisaun nian.



Iha 20 no 21 Dezembru 2023, JSMP realiza revizaun annual hodi diskute kona-ba programa, atividade ho nia orsamentu sira.

Objetivu hosi revizaun annual ne'e atu hare filafali no diskute progresu no dezafiu atividade sira hosi kada projetu ho nia orsamentu sira ne'ebé halo ona iha tinan 2023 no diskute nia opsaun atu hadi'a iha

tinan 2024. Alende ne'e, diskute mós kona-ba mandatu diretora ne'ebé sei remata iha tinan oin. Revizaun annual ne'e modera husi jestór programa JSMP, Sr. Casimiro dos Santos.

Revisaun annual ne'e partisipa hosi staff JSMP hosi unidade hat mak hanesan unidade manajementu, unidade LRU, UTA no PWP no realiza tanba hetan apoia orsamentu hosi TAF/PASK no UN WOMEN.



Reuniaun Mensál Assembleia Jerál

Tuir provizaun Artigu 15 pontu 2) Estatutu JSMP nian kona-ba reuniaun Assembleia Jerál prevee katak Assembleia Jerál mós reune ordinariamente fulan ida dala ida hodi haree no diskute kona-ba asuntu ne'ebé liga ho interese imediatu no atividade loron-loron JSMP nian. Nun'e, JSMP regularmente konvoka reuniaun mensál Assembleia Jerál nian.



Iha 6 Janeiro 2023, JSMP realiza reuniaun Assembleia ba dahuluk ne'ebé lidera husi Presidente Assembleia JSMP, Sr. Mateus Xavier no enkontru ne'e partisipa husi Sra. Ana Paula Marçal, Diretora Ezekutiva JSMP, Sr. Casimiro dos Santos, Jestór Programa, Coordenador/a no pesoál sira JSMP nian

hotu.

Objetivu husi reuniaun ne'e mak atu haree fila fali atividade prioridade sira ne'ebé mak atu halo iha tinan 2023 no diskute mós kona-ba progresu no dezafiu sira husi programa sira ne'ebé mak halo ona iha tinan 2022.





Iha 07 Juñu 2023, JSMP realiza enkontru Assembleia Jerál ne'ebé partisipa husi staff tomak JSMP nian inklui voluntáriu internasionál no voluntáriu nasionál. Enkontru ne'e lidera husi Presidente Assembleia Jerál, Sr. Mateus Xavier.

Iha enkontru ne'e ko'alia kona-ba implementasaun atividade sira (progresu no dezafiu), apresiasaun ba ekipa serbisu no atualiza situasaun orsamentu JSMP nian. Alende ne'e, iha enkontru ne'e mós introdús voluntáriu Internasionál na'in rua husi Arizona State University, ne'ebé mak sei hala'o voluntáriu iha JSMP durante fulan rua



no introdús mós voluntáriu nasionál ne'ebé mak pasa ona iha selesaun no sei hala'o serbisu voluntáriu durante fulan neen iha JSMP ninia edifisiu filial sira hanesan Oekusi, Baukau, Suai no Dili. Serbisu voluntáriu nasionál ne'e parte ida husi komitmentu JSMP tuir akordu ne'ebé mak asina ho Presidente Rejiaun Autonomía Espesial Oekusi Ambeno (RAEOA).



Dezempeñu no kapasitasaun pesoál

Programa kapasitasaun ne'e parte ida husi polítika JSMP nian atu kontinua hasa'e koñesimentu pesoál sira-nian nune'e bele dezempeñu sira-nia knaar efektivu no di'ak liután. Liuhusi dalan ida ne'e, JSMP bele hadi'a no hasa'e nia kualidade no dezempeñu serbisu.

Iha 03 Fevereiru 2023, Diretora Ezekutiva JSMP, Sra. Ana Paula Marçal, Jestór Programa, Sr. Casimiro dos Santos no funsióriu JSMP hotu partisipa iha refresher training kona-ba fraude ne'ebé fasilita husi Sra. Theresia Nani S. da Cruz hanesan Program Finance &



Compliance Manager no Sr. Rafael de Lima hanesan Program Finance Officer husi The Asia Foundation (TAF). Treinamentu ne'e realiza iha salaun enkontru JSMP.



Iha 13 Setembru 2023, JSMP nia staff assisténsia legál sira partisipa iha treinamentu kona-ba Protokolu Serbisu Apoiu Vítima Violénsia Bazeia ba Jéneru (VBJ), iha Edifisiu JSMP, Colmera Dili.

Sr. Casimiro dos Santos, Jéstór Programa iha abertura husu ba staff assisténsia legál sira ne'ebé partisipa iha treinamentu ne'e atu partisipa ho maximu tanba protokolu ne'e hatur regra sira oinsa atu halo atendimentu ne'ebé mak dia'k liu ba vítima sira iha kazu VBJ.

Treinamentu ne'e fasilita husi Mana Lauren hanesan voluntaria internasionál iha JSMP.

Iha 14 Setembru 2023, pesoal sira JSMP nin tuir treinamentu kona-ba Polítika Protesaun Dadus no Privasidade Dadus, iha Edifísiu JSMP - Kolmera Dili.

Jestór Programa JSMP, Sr. Casimiro dos Santos hatete katak objetivu husi treinamentu ne'e mak atu fahe konteudu hosi polítika ne'e ba staff hotu, tanba konsidera importante tebes tanba iha relasaun ho JSMP nia serbisu no oinsa atu aseguira dokumentu importante sira.



Ekipa JSMP ne'ebé kompostu husi Diretora Ezekutiva, Sra. Ana Paula Marçal, Jestora Finansa, Sra. Ingrasia

Maia, Prezidente Assembleia, Sr. Mateus Xavier no Koordinadór POP, Sr. Jose Pereira participa iha treinamentu kona-ba lideransa transformativa iha Smarttraining Indonesia, Jogjakarta durante semana ida, hahú 26-30 Dezembru 2023.

Objetivu husi treinamentu ne'e mak atu bele hasa'e koñesimentu funcionáriu sira JSMP nia koñesimentu kona-ba oinsa bele sai líder ka jestór ida ne'ebé di'ak no transformativu hodi bele aseguira funcionamentu no mós sustentabilidade instituisaun nian ba futuro.



Monitorizasaun ba Tribunál




JSMP monitoriza regularmente Tribunál Distritál sira iha Timor-Leste; Tribunál Distritál Dili (TDD), Tribunál Distritál Baukau (TDB), Tribunál Distritál Suai (TDS) no Tribunál Distritál Oekusi (TDO). Alende ne'e, halo mós monitorizasaun balun ba Tribunál Rekursu (TR).

Tabela total númeru autór judisiáriu iha 2023 nian


Jurisdisaun Tribunál	Juis			Prokuradór			Defensór Públiku			Total
	Mane	Feto	Total	Mane	Feto	Total	Mane	Feto	Total	
Tribunál Rekursu (TR)	2	2	4	2	1	3	1	1	2	
Tribunál Distritál Dili (TDD)	7	8	15	21	5	26	19	4	23	
Tribunál Distritál Baukau (TDB)	4	2	6	3	1	4	5	1	6	
Tribunál Distritál Suai (TDS)	5	1	6	3	0	3	3	0	3	
Tribunál Distritál Oekusi (TDO)	2	1	3	2	0	2	2	0	2	
Sub-Total	20	14	33	31	7	38	30	6	36	106

Gráfiku sira tuir mai hatudu kona-ba númeru kazu krime no sivil no tipu kazu sira ne'ebé JSMP monitoriza iha 2023 hosi total kazu ne'ebe rejista no julga iha tribunál sira.


Gráfiku 1: Total kazu krime no sivil entre 2022 & 2023




Gráfiku 2: Totál kazu krime no sivíl husi kada juridisaun iha períodu 2023




Gráfiku 3: Totál kazu móvel husi kada munisipiu entre tinan 2020-2023




Gráfiku 4: Kazu violénsia bazeia ba jéneru hasoru fetu no labarik fetu & & mane no labarik mane kompara ho kazu krime sira seluk




Gráfiku 5: Totál kazu violénsia doméstika no violasaun seksuál husi kada munisipiu kompara ho krime seluk



Gráfiku 6: Tipu desizaun ba kazu violénsia doméstika




Gráfiku 7: Tipu kazu violénsia doméstika




Gráfiku 8: Númeru kazu envolve ema ho defisiénsia




Gráfiku 11: Totál kazu envolve labarik husi kada munisipiu kompara ho krime seluk



Gráfiku 12: Totál kazu asisténsia legál husi periodu 2023




Monitorizasaun ba Parlamentu Nasionál (PN)




JSMP monitoriza regularmente Parlamentu Nasionál desde 2010 to'o ohin loron.

JSMP halo Monitorizasaun ba reuniaun plenaria no Komisaun A


Reuniaun Plenaria no Komisaun A Parlamentu Nasionál




Gráfiku 13: Númeru lei PN halo entre 2021-2023



Gráfiku 14: Númeru rezolusaun ne'ebé PN halo entre 2021-2023



Gráfiku 15: Númeru lei foun no lei alterasaun ne'ebé PN halo entre 2021-2023



Treinamentu

JSMP iha 2023 hala'o atividade treinamentu ba membru Konsellu Suku sira, instituisaun no pesoa liña frente ba kazu tráfiku umanu, pesoa treinadór treinamentu (ToT), estudante universitáriu husi UNPAZ, membru organizaun sosiedade sivíl

Materia sira ne'ebé JSMP fornese mak kona-ba Lei Kódigu Laboral, Lei Kódigu Penál, Lei Kódigu Sivíl, Tráfiku Umanu, knaar sira autor judisiáriu sira-nian no kona-ba rezultadu peskiza JSMP nian kona-ba idade konsentimentu.

Objetivu mak atu hasa'e koñesimentu parte interesadu sira-nian iha asuntu relevante sira ne'e, nune'e, sira bele hatene prosesu no mekanizmu sira relaciona ho sistema no funcionamentu sistema justisa formal no mós kona-ba direitu sira traballadór nian.



Iha 08 Fevereiru 2023, iha Salaun Enkontru Raes Hadomi Timor-oan (RHTO), ekipa JSMP fahe informasaun ba parseiru sira mak hanesan Organizaun Ema ho Defisiénsia, Estudante no Autoridade lokál relaciona ho JSMP nia rezultadu peskiza kona-ba idade konsentimentu (idade menór) no serbisu JSMP

nian durante ne'e iha área monitorizasaun iha Tribunál, Parlamentu Nasionál no serbisu assisténsia legál ba vítima fetu ho labarik.

Enkuantu iha área advokasia nian, JSMP foku ba iha materia ne'ebé JSMP hetan ona husi parseiru USAID/Timor-Leste NGO Advocacy for

Good Governance Activity kona-ba oinsa dezeña planu estratéjia advokasia, define meta inklui define parseiru xave no konstituante sira.





Iha loron 13 Feveireiru 2023, Programa Monitorizasaun ba Sistema Judiciáriu (JSMP) realiza ona treinamentu kona-ba prevensaun tráfikú umanu ba estudante Universidade da Paz Faculdade Siensia Sosiais no Armonia ne'ebé ho total participante nain 20. Antes ne'e iha 06 Feveireiru 2023, JSMP mós realiza ona treinamentu ho tópiku

hanesan ba estrutura suku no comunidade husi Suku Bobometo, Postu Administrativu Oesilo, Rejiaun Autonomia Espesial Ambeno Oekusi (RAEOA) ho total participante nain 22 no iha 06 Feveireiru 2023, realiza ona treinamentu ba estrutura no



komunidade iha Suku Tapo-Memo, Postu Administrativu Maliana Vila, Munisípiu Bobonaro ho total participante hamutuk nain 21. Iha treinamentu ne'e, JSMP ko'alia liu kona-ba definisaun tráfikú umanu, objetivu ho meus husi tráfikú umanu inklui oinsá bele lori kazu tráfikú umanu ba iha justisa formál.

Treinamentu ne'e ho objetivu atu ajuda estrutura suku bele hatene kona-ba lalaok husi krime tráfikú umanu ne'e rasik nune'e bainhira kazu sira ne'e akontese oinsá fó tulun ba sira nia comunidade sira inklui hodi lori prosesu ne'e ba iha justisa formal



Iha 28 Feveireiru 2023, JSMP realiza treinamentu kona-ba violénsia bazeia ba jéneru no asesu ba justisa formal ba estrutura suku no membru comunidade iha Suku Saburai, Postu Administrativu Maliana, Munisípiu Bobonaru ho total participante hamutuk 22 ne'ebé kompostu

hosi feto 18 no mane 4.
 Iha 08 Marsu 2023,
 JSMP realiza
 treinamentu ba
 estrutura suku,
 delegada, delegadu,
 joven feto no mane
 iha Suku Uma Quic,
 Postu
 Administrativu
 Vikeke, Munisípiu
 Vikeke ho total
 partisipante hamutuk na'in 20, kompostu husi feto 15 no mane 5



Matéria ne'ebé fó iha treinamentu kona-ba asesu ba justisa formál, definisaun violénsia doméstika, Lei Kontra Violénsia Doméstika (LKVD), assisténsia legál ba vítima violénsia bazeia ba jéneru no oinsá atu refere kazu violénsia bazeia ba jéneru tuir prosesu justisa formal.



Iha 09 Marsu 2023, JSMP realiza treinamentu ba estrutura suku no comunidade iha Suku Triloco, Postu Administrativu Baukau Vila, Munisípiu Baukau ho total partisipante hamutuk 20 kompostu husi feto 8 no Mane 12.

Treinamentu ne'e ho objetivu atu fahe informasaun kona-ba papél

no knaar autór judisiáriu no introdus mós JSMP nia papél no atividade loloron hodi halo monitorizasaun iha tribunál no Parlamentu Nasionál.

Ohin 29 Marsu 2023, JSMP fahe informasaun ba estrutura suku no comunidade sira iha Aldeia Fatuisin, Suku Camanasa, Postu Administrativu Suai, Munisípiu Covalima, ho total partisipante hamutuk ema na'in 20 kompostu husi feto 8 mane 12.



Informasaun sira ne'ebé fahe kona-ba rezultadu peskiza harmonizasaun idade menór iha Kódigu Penál no Kódigu Sivil Timor-Leste, inklui introdús mós JSMP nian serbisu sira

prinsipál mak hanesan monitorizasaun ba iha Tribunál Judisiál Primeira Instansia sira, observaun iha Parlamentu Nasionál, assisténsia legál ba vítima violénsia bazeia ba jéneru, advokásia no desiminaun informasaun.



Iha 11 no 12 Maiu 2023 JSMP dezamina informasaun kona-ba prosesu justisa formal no mós fasilita diálogu entre autor judisiáriu sira ho autoridade lokál no comunidade Suku Ogues, Postu Administrativu Maukatar, Munisípiu Kobalima.

Atividade ne'e hetan mós partisipasaun hosi estrutura suku, lia-na'in suku, lia-na'in aldeia, lia-na'in uma lisan, representante comunidade feto no mane, feto potensial suku, kableha, membru LGBTIQ+ no ema ho defisiénsia.

Iha 28 jullu 2024, JSMP liuhosi Unidade Treinamentu no advokasia realiza treinamentu ba estrutura suku, hanesan xefe aldeia, delegado no delegada, comunidade no estudante iha suku Lahomea, postu admnistrativu Maliana, Munisipiu Bobonaro. Ho total partisipante hamutuk ema 26 kompostu hosi mane 6 no feto 20.



Treinamentu ho objetivu atu introdus mós kona-ba JSMP ninia serbisu principal sira hanesan monitorizasaun iha tribunal judisial Primeira Instansia. Observasaun iha Parlamentu Nasionál, assistensia legál ba vitima

violensia bazeia ba jeneru no advokasia inklui JSMP nia peskiza relasaun ho asuntu idade konsentimentu no mekanizmu sira kona-ba protesaun labarik.



Iha 25 Jullu 2023, Sra. Ana Paula Marçal, Diretora Ezekutiva JSMP, fasilita treinamentu ba lideransa suku sira hosi Dili, Ainaro no Ermera, representante organizasaun sosiedade sivil, membru LGBTIQ+ no ema ho defisiensia kona-ba Planu Asaun Nasionál (PAN) Violénsia Bazeia Jéneru (VBJ) inkluzivu no implementasaun lei sira ligadu ho direitu comunidade LGBTIQ+.

Treinamentu ne'e hala'o iha salaun Fokupers, Farol, Dili no organiza hosi Arcoiris no AHMDTL. Programa ne'e hetan apoiu finanseiru hosi UE no Plan Internasional.

Iha 28 Jullu 2023, JSMP realiza treinamentu kona-ba oinsá lori prosesu sira ba iha justisa formál ba comunidade aldeia rua (2) iha suku tarjetu sira ba Programa Apoiu Justisa Komunitáriu (PASK) hanesan Aldeia Osogigi iha Suku Uma-Ana-Ulu Postu Administrativu Venilale, Munisípiu



Baukau no Aldeia Aiurlala, Suku Samalete, Postu Administrativu Railaku, Munisípiu Ermera.

Materia iha treinamentu ne'e kompostu husi definisaun kona-ba lei, definisaun kona-ba krime, tipu krime no oinsá atu prosesu

krime sira ho natureza krime públiku no krime semi públiku no saida mak estrutura aldeia sira bele halo hodi tulun comunidade sira hodi rezolve sira nia disputa inklui tipu pena no serbisu rede referál ba assisténsia legál ba vítima volénsia bazeia ba jéneru.



Iha 31 Jullu 2023, JSMP dezamina informasaun kona-ba prosesu justisa formál ba autoridade lokál no mós comunidade iha Aldeia Nefobai, Suku Lifau, Postu-Administrativu Pante-Makasar. iha dezaminasaun informasaun ne'e kobre tópiku espesífiku ko'alia kona-ba definisaun lei no krime, natureza krime no oinsa atu lori kazu sira ba iha prosesu justisa formál no tipu pena.

Objetivu husi dezaminasaun informasaun ne'e atu hasa'e koñesimentu autoridade lokál no membru comunidade sira kona-ba oinsá asegura prosesu rezolve sira nia problema iha justisa komunitáriu nune'e la kontradiz ho lei justisa formál no mós oinsá bele lori sira nia prosesu ba iha justisa formál bainhira la hetan solusaun iha justisa komunitáriu ka ba prosesu sira ne'ebé ho natureza krime públiku ne'ebé mezmu sira halo ona mediasaun maibé nafatin tenke lori ba iha prosesu justisa formal.

Iha 01 Agostu 2023, JSMP organiza no hala'o treinamentu ba membru estrutura suku no membru comunidade Suku Leohitu, Postu Administrativu Balibo, Munisípiu Bobonaro iha Sede Aldeia Raeulu. Totál partisipante sira hamutuk 30, kompostu husi mane 7 no feto 23.



Objetivu hosi treinamentu ne'e atu hasa'e koñesimentu lideransa komunitária no membru comunidade sira-nian kona-ba demokrasia, direitu umanu, knaar órgaun soberanu, partisipasaun públiku iha prosesu halo lei no asesu ba justisa formál.



Iha 04 Agostu 2023, JSMP organiza no hala'ó treinamentu ba membru estrutura suku no membru comunidade Suku Lalawa, Postu Administrativu Tilomar, Munisípiu Kobalima iha Sede Suku Lalawa. Partisipante sira hamutuk nain 30, kompostu husi mane 15 no feto 15.

Objetivu hosi treinamentu ne'e atu hasa'e koñesimentu

lideransa komunitária no membru comunidade sira-nian koñesimentu kona-ba democrasia, direitu umanu, knaar órgaun soberanu, partisipasaun públiku iha prosesu halo lei no asesu ba justisa formál

Iha 08 Agostu 2023, JSMP realiza treinamentu ba membru Konsellu Suku no membru comunidade iha suku Nipane, Postu Administrativu Pante Makasar, Rejiaun Administrativa Espesiál Oekusi-Ambeno (RAEOA).



Materia treinamentu kona-ba demokrásia,

kna'ar órgaun soberana, partisipasaun públiku iha prosesu halo lei no asesu ba justisa formál iha Timor-Leste. Partisipante sira kompostu husi membru estrutura suku no membru comunidade sira ne'ebé mai husi aldeia rua (2) ho total partisipante hamutuk ema na'in 37, kompostu husi feto 14 no mane 19.



Iha 09 Agostu 2023, Diretora Ezekutiva JSMP sai fasilitadora ba atividade Treinamentu "Aproximasaun Sensivel ba Trauma" ho tópicu espesífiku : "Lei Kontra Violénsia Doméstica (LKVD)" ne'ebé organiza husi UNDP no ekipa Spotlight. Partisipante sira iha treinamentu ne'e mai husi

unidade VPU, OPS no Polísia Komunitária husi Munisípiu Dili, Ainaro, Baukau, Manufahi, Oekusi, Likisá, Lospalos, Aileu, Ermera, Manatuto, Vikeke, Atauro no Suai.

Iha 15 Agostu 2023, JSMP hahú realiza treinamentu kona-ba Prevensaun no Kombate Tráfiku Umanu no Violénsia Bazeia ba Jéneru iha suku Comoro, Postu Administrativu Don Aleixo, Munisípiu Dili.



Seremonia abertura ba treinamentu primeira faze ne'e loke ofisiál husi Xefe Suku Comoro, Sr. Eurico da Silva no akompaña husi Diretora Ezekutiva JSMP, Sra. Ana Paula Marçal, representante UN Women Sr. Jeremias Baptista Gomes, representante Polísia VPU no OPS Suku Comoro.



Iha 15 to'o 18 Agostu 2023, JSMP realiza treinamentu ba líder komunitária no mobilizadór kona-ba Prevensaun no Kombate Tráfiku Umanu no Violénsia Bazeia ba Jéneru (VBJ) iha Suku Komoro, Postu Administrativu Dom Aleixo, Munisípiu Dili.

Iha 16 Agostu 2023, Diretora Ezekutiva JSMP kontinua sai fasilitadora ba atividade Treinamentu "Aproximasaun Sensível ba Trauma" ho tópiku espesífiku : "Lei Kontra Violénsia Doméstika (LKVD)" ne'ebé organiza husi UNDP no ekipa Spotlight. Partisipante sira diferente husi treinamentu primeiru ne'ebe hala'ó



ona iha semana kotuk. Maibe nafatin mai husi unidade VPU no OPS husi Munisípiu Dili, Ainaro, Baukau, Manufahi, Oekusi, Likisá, Lospalos, Aileu, Ermera, Manatuto, Vikeke, Atauro no Suai.

Objetivu fahe informasaun kona-ba LKVD mak atu aumenta koñesimentu partisipante sira kona-ba provizaun importante sira iha LKVD no nia implementasaun.



Iha 23 Agostu no 6 Setembru 2023, Diretora Ezekutiva JSMP kontinua sai fasilitadora ba atividade Treinamentu "Aproximasaun Sensível ba Trauma" ho tópiku espesífiku : "Lei Kontra Violénsia Doméstika (LKVD)" ne'ebé organiza husi UNDP no ekipa Spotlight.

Partisipante sira diferente husi treinamentu primeiru no

segundu ne'ebe hala'o ona iha semana sira ba kotuk. Maibe nafatin mai husi unidade VPU no OPS husi Munisípiu Dili, Ainaro, Baukau, Manufahi, Oekusi, Likisá, Lospalos, Aileu, Ermera, Manatuto, Vikeke, Atauro no Suai.

Objetivu fahe informasaun kona-ba LKVD mak atu aumenta koñesimentu partisipante sira kona-ba provizaun importante sira iha LKVD no nia implementasaun liga ho asuntu violensia bazeia ba jeneru.



JSMP kontinua halo treinamentu kona-ba Tráfiku Umanu no Violénsia Bazeia ba Jéneru iha Suku Beiseuc, Posto Administrativu Tilomar, Munisípiu Covalima durante loron haat (4), hahú hosi 29 Agostu to'o 01 Setembru 2023.

“Objetivu husi treinamentu ne'e atu kapasita no hasa'e koñesimentu mobilizadór no lider comunidade sira nian kona-ba krime tráfiku

umanu no violénsia bazeia ba jéneru no oinsá atu halo prevensaun no ajuda vítima sira bainhira akontese krime sira ne'e iha comunidade nia leet. JSMP identifika no hili Suku Beiseuc hodi halo treinamentu ne'e, tanba hanesan suku ida ne'ebé baliza ho Indonézia no sai fatin ba movimentu tama-sai husi sidadaun nasaun rua, Indonézia no Timor-Leste”.



Hahú husi 22 to’o 26 Agostu 2023, JSMP hala’o treinamentu kona-ba Tráfiku Umanu no Violénsia Bazeia ba Jéneru ba mobilizadór sira iha Suku Batugade, Postu Administrativu Balibo, Munisípiu Bobonaro.

Iha 29 Agostu 2023, JSMP kontinua halo treinamentu kona-ba Tráfiku Umanu no Violénsia Bazeia ba Jéneru iha Suku Beiseuc, Postu Administrativu Tilomar, Munisípiu Covalima. Treinamentu ne’e sei hala’o durante loron 4 hahú husi 29 Agostu to’o 1 Setembru 2023



Iha 4 Setembru 2023, JSMP kontinua halo treinamentu kona-ba Tráfiku Umanu no Violénsia Bazeia ba Jéneru iha Suku Nipane, Postu Administrativu Pante-Makasar, Munisípiu Rejiaun Administrativa Espesiál Oekusi-Ambeno (RAEOA). Treinamentu ne’e sei hala’o durante

loron 4 hahú husi 4 Setembru to’o 7 Setembru 2023.

Iha 20 Setembru 2023, JSMP kontinua fasilita treinamentu ba treinadór ka training of trainers (TOT) ho tema “lideransa transformativu” loron daruak nian iha suku Beiseuc, Postu Administrativu Tilomar, Munisípiu Covalima.

Matéria sira ne’ebé apresenta iha loron daruak ne’e mak hanesan tráfiku umanu, enkuadramentu legál sira ba krime tráfiku umanu no asesu ba justisa formál.





Iha 9 Novembru 2023, ekipa treinadór JSMP akompaña fasilidadór sira husi Suku Nipane fasilita treinamentu kona-ba igualdade jéneru no violénsia bazeia ba jéneru ba comunidade suku Nipane, Postu Administrativu Pante Makasar, Rejiaun Administrativa Espesiál Oekusi Ambeno (RAEOA), iha Cede suku Nipane

Objetivu mak bele hatutan tan informasaun ba membru comunidade sira seluk ne'ebé seidak partisipa iha

treinamentu sira ne'e

Atividade ne'e realiza tanba hetan apoiu finanseiru husi Governu Timor-Leste liuhosi Ministériu Interiór (MI) no parseria ho UNWomen iha Timor-Leste.



Iha 10 Novembru 2023, JSMP realiza treinamentu ba membru konsellu suku no membru comunidade iha suku Lalisuc, Postu Administrativu Pante Makasar, Rejiaun Administrativa Espesiál Oekusi-Ambeno (RAEOA). Matéria treinamentu nian kona-ba demokrasia, kna'ar órgaun soberania, partispasaun públiku iha prosesu halo lei no asesu ba justisa formál iha Timor-Leste.

Objetivu husi treinamentu ne'e mak atu hasa'e koñesimentu membru konsellu suku no comunidade sira, inklui partikularmente ema ho defisiénsia, kona-ba demokrasia,

kna'ar órgaun soberania sira iha prosesu halo lei no direitu asesu ba justisa formál iha Timor-Leste.

Atividade ne'e realiza tanba hetan apoiu finanseiru husi Governu Timor-Leste liuhosi SASCAS, Gabinete Primeiru Ministru.



Iha 15 Novembru 2023, JSMP fasilita treinamentu ba comunidade iha Suku Suro kraik, Munisípiu Ainaro ho totál partipante hamutuk na'in 20 kompostu husi feto 6 no mane 14.

Objetivu husi treinamentu ne'e mak oinsá atu hasa'e comunidade sira nia koñesimentu kona-ba oinsa atu asesu ba iha sistema justisa formal.

Atividade ne'e realiza tanba hetan apoiu finanseiru husi Governu Estados Unidos Amérika, liuhosi USAID – Counterpart Internasionál



Iha loron 20 Novembru 2023, JSMP fasilita treinamentu ba estrutura suku no comunidade sira iha suku Labarai, Postu Suai Vila, Munisípiu eCovalima.

Atividade ne'e halo ho objetivu mak atu hasa'e koñesimentu lideransa komunitária no membru comunidade sira-nian koñesimentu kona-ba demokrásia, direitu umanu, knaar órgaun soberanu, partisipasaun públiku iha prosesu halo lei no asesu ba

justisa formál.



Iha 21 no 22 Novembru 2023, JSMP fasilita treinamentu ho matéria tráfiku umanu, prevensaun no responde ba kazu tráfiku umanu no Violénsia Bazeia ba Jéneru (VBJ) ba pesoál sira hamutuk ema na'in 21 hosi instituisaun sira liña frente mak hanesan Imigrasaun na'in 2, Unidade Patrollamentu Fronteira (UPF) na'in 1, Kuarentina na'in 2, Alfândega na'in 2, Postu Saúde Salele, Uma Mahon Salele na'in 2 no

mobilizador sira suku nian na'in 11. Treinamentu ne'e hala'o iha Postu Imigrasaun Salele, Mota Masin, Suai- Kobalima.

Iha 05 no 06 Dezembru 2023, JSMP kontinua fasilita treinamentu ba pesoál sira liña frente iha Suku Batugade, Postu Administrativu Balibo, Munisípiu Bobonaro. Matéria ne'ebé fó iha treinamentu ne'e kona-ba tráfiku umanu no oinsa bele uza matadalan tráfiku umanu hodi identifika, prevene no



kombate tráfiku umanu

Treinamentu ida ne'e ho objetivu atu hasa'e koñesimentu pesoál sira ne'ebé serbisu iha liña frente no mobilizador sira kona-ba tráfiku umanu, oinsa atu identifika tráfiku umanu halo prevensaun no ajuda vítima sira bainhira identifika kazu tráfiku

umanu iha fronteira no comunidade nia leet.

Iha 06 Dezembru 2023, JSMP fasilita treinamentu ba membru estrutura suku no comunidade sira iha Suku Sanirin, Postu Administrativu Balibo, Munisípiu Bobonaro.



Matéria sira ne'ebé kobre iha treinamentu ne'e fahe ba sesaun rua. Sesaun dahuluk kona-ba demokrásia, knaar órgaun soberanu sira-nian no partisipasaun públika iha prosesu halo lei. Sesaun daruak nian kona-ba asesu ba justisa formál no knaar hosi instituisaun judisiáriu no judisiál sira iha setór justisa nian.



Iha 14 no 15 Dezembru 2023, JSMP kontinua fasilita formasaun ba pesoál sira hosi instituisaun liña frente Delta Nova, Suku Komoro, Munisípiu Dili kona-ba tráfikú umanu.

Treinamentu ida ne'e nu'udar treinamentu kontinuasaun hosi treinamentu sira anteriór sira ho objetivu atu hasa'e koñesimentu liña frente no mobilizadór

sira nian kona-ba saida mak tráfikú umanu no oinsa atu identifika, relata no halo prevensaun, nune'e mós ajuda vítima sira bainhira iha kazu ruma".

Iha 14 Dezembru 2023, JSMP realiza treinamentu kona-ba tráfikú umanu ba pesoa liña frente sira iha postu integradu fronteira Sakato, Postu Administrativu Pante-Makasar, Rejiaun Administrativu Espesiál Oekusi-Ambeno (RAEOA)



Advokasia: Enkontru, Semináriu no Audénsia

Enkontru, semináriu no audénsia nu'udar atividade advokasia ne'ebé JSMP hala'o ho parseiru no parte relevante sira ho interese atu kontribui ba dezentovimentu nasionál, rejionál no internasionál, partikularmente mudansa iha setór lejizlativu no direitu umanu ho justisa.

Iha 08 Feveiru 2023, JSMP realiza Semináriu Rejionál ho tema “Persepsaun no Satisfasaun Utilizador no Fornesedor Serbisu iha Sistema Justisa Formál iha kazu Violénsia Bazeia ba Jéneru (VBJ)”.

Objetivu semináriu mak atu apresenta filafali rezultadu survei refere ne'ebé JSMP ho KOICA halo iha fulan Marsu to'o Juñu 2023 no lansa iha 23 Novembru 2023.



Iha 29 Feveiru 2024, JSMP kontinua realiza semináriu rejionál hodi apresenta rezultadu survei kona-ba Persepsaun no Satisfasaun Utilizador no Fornesedor Serbisu iha Sistema Justisa Formál iha kazu Violénsia Bazeia ba Jéneru (VBJ). Semináriu ne'e realiza iha Rejiaun Administrativa Espesiál Oekusi Ambeno (RAEOA).



Iha 10 Marsu 2023, Diretora Eze kutiva JSMP, Sra. Ana Paula Marçal sai oradora iha semináriu kona-ba "Independénsia Tribunál no Igualidade Jéneru iha Sistema Judisiáriu Timor-Leste". Semináriu ne'e



iha ámbitu komemorasaun Aniversáriu Asosiasaun Majistradu Judisiál Timor-Leste (AMJTL) ba dala 5 (lima) no Aniversáriu Mundial ba Juisa sira ba dala I (primeiru). Selebrasaun ne'e hala'o iha Sentru Formasaun Jurídiku no Judisiáriu (SFJJ), Kaikoli Dili.



Iha 11 Maiu 2023, Sr. Jose Pereira, koordinador Unidade Programa Observasaun Parlamentár (POP), Sra. Flora Soriano Menezes, Coordenadora Unidade Peskiza Legál (LRU) no Unidade Treinamentu no Advokasia no Sr. Mateus Xavier nú'udar peskizadór halo enkontru ho Sr.

Alexander Gray no Sra. Margarida Alves nu'udar konsultór no observadór husi Misaun Eleitoral Uniaun Europeia.

Objetivu husi enkontru ne'e mak husi parte Uniaun Europia atu hatene kona-ba JSMP ninia atividade observaun ba iha atividade kampaña eleitorál ba eleisaun parlamentár 2023 nian.

JSMP nia parte, apresenta ka fahe informasaun kona-ba nia rezultadu monitorizasaun ba kampaña eleitorál ne'e katak kampaña eleitoral iha tinan ida ne'e iha mudansa pozitivu balun kompara ho kampaña eleitorál iha eleisaun sira uluk nian.

Iha 23 Maiu 2023, Sr. Casimiro dos Santos, Jestór Programa no Jose Pereira, Koordinadór Programa Obervasaun Parlamentu (POP), hasoru malu ho Sr. Kristian Netland, Konselleiru Ministru (Minister Counsellor)/Adjuntu Xefe Misaun (Deputy Head of Mission) Embaixada Norwega nian iha Otel Timor.



Objetivu husi enkontru ne'e mak atu ko'alia kona-ba oinsa JSMP nia hanoin no observaun ba eleisaun parlamentár 2023 nian no mós kona-ba situasaun polítika rai-laran.



Iha 09 Juñu 2023, Ekiba JSMP ne'ebé prezide husi Jestór Programa Sr. Casimiro dos Santos hala'o enkontru ho Dignísimu Dr. Mateus Nesi nu'udar xefe Prokuradór Judisiál Primeira Instansia Oekusi, Superintendente Sr. Ludgerio Picancio Madeira Lay, Komandante PNTL Regiaun Administrativa Espesiál Oekusi Ambeno, Sra. Nilda Maria Natalia



do Rosario hanesan Komandante Polisia VPU RAEOA, Sra. Lurdes de Fatima Lopes Correia de Almeida hanesan Diretora Uma Paz Oekusi (UPO) no Sra. Sancia Florencia Paixão Bano, Koordenadora Fatin Hakmatek PRADET – RAEOA.

Iha 03 Julu 2023, Juis Administradór Tribunál Judisiál Primeira Instánsia Oekusi, Dr. Argentino Nunes vizita Edifísiu Filial JSMP iha RAEOA. Objetivu vizita ne'e atu rona JSMP nia hanoin relaciona ho serbisu ka funsiunamentu Tribunál Judisiál Primeira Instánsia Oekusi, tanba konsidera JSMP nia prezensa iha tribunál



importante tebes.

Iha 10 Julu 2023, ekipa JSMP hasoru malu ho Diretór Jerál Ministériu Solidariedade Sosiál no Inkluziun Sr. Floréncio Pina Dias Gonzaga iha salaun enkontru MSSI ho objetivu mak atu introdus JSMP nia serbisu asisténsia legál no husu mós ba diresaun atu bele inklui JSMP iha Standard Operasionál Procedure-



SOP ne'ebé prepara ona husi MSSSI.

Iha 13 Jullu 2023, Ekipa JSMP audénsia ho Presidente Parlamentu Nasionál, Exelénsia distinta deputada, Sra. Maria Fernanda Lay iha, Gabinete Presidente Parlamentu Nasionál. Ekipa JSMP kompostu husi Diretora Ezekutiva, Sra. Ana Paula Marçal, Jestór Programa, Sr. Casimiro dos Santos, Coordenadora Unidade



LRU & UTA, Sra. Flora S. Menezes, Koordinadór Unidade POP, Sr. Jose Pereira, Ofisiál Seniór ba Advokasia, Jose Moniz, Peskizadór Legál Sra. Eurosia de Almeida no Peskizadór no Observadór Parlamentu Nasionál, Mateus Xavier.



Iha 15 Agostu 2023, grupu advokasia tráfiu umanu hala'o sorumutu iha salaun enkontru JSMP ho Sra. Shandra Woworuntu nu'udar sobrevivente tráfiu umanu. Sra. Shandra mós fundadora ba Mentari, organizaun la'os lukrativu ne'ebé orienta no hakbi'it sobrevivente sira.



Iha sorumutu ne'e, Sra Sandra fahe ninia esperiênsia ne'ebé nia hasoru bainhira sai vítima ba tráfikú umanu, dezafiu ne'ebé nia hasoru no oinsa maka bele ultrapasa situasaun ne'ebé nia hasoru.

Membru grupu advokasia ne'ebé partisipa iha enkontru ne'e mak hanesan: Fundasaun Alola, PRADET,

Fokupers, RHTO, AHDMTL, ALFeLa, CNJTJL, MHVF, Codiva, CBRN-TL.

Iha 01 AGOSTU 2023, Komisáriu sira Komisaun Luta Anti Tráfiku Umanu (KLATU) enkontru primeiru ho zprezidente KLATU foun, Sr. Flaviano Moniz Leao ho agenda prinsipál ida mak diskute kona-ba join atividade entre UNWomen no KLATU iha loron 04 agostu 2023 hodi komemora loron internasionál luta kontra tráfikú umanu ne'ebe monu iha loron 30 jullu.



Iha 07 Setembru 2023 Diretora Ezekutiva JSMP, Sra. Ana Paula Marçal, akompaña husi Sr. Casimiro



dos Santos no staff Programa JSMP, Mateus Xavier, bazeia ba konvite husi

vise-ministru halo audénsia ho Vice-Ministru ba Fortalesimentu Institusionál, Dr. Paulo Manuel da S. dos Remédios hodi ko'alia kona-ba programa vise-ministru ba Fortalesimentu Institusionál ba tinan lima nian mai no possibilidade sira ba serbisu hamutuk ho sociedade sivíl.

Diretora Ezekutiva JSMP, Sra. Ana Paula Marçal ne'ebé akompaña husi Jestor Programa, Sr. Casimiro dos Santos no staff Programa JSMP, Mateus Xavier, iha 15 Setembru 2023 iha Salaun Gabinete Vise-Primeiru-Ministru Palasiu Governu hala'o audénsia ho Vise-Primeiru-Ministru (VPM), Ministru



Koordenadór Asuntus Sosiais no Ministru Dezenvolvimentu Rurál no Abitasaun Komunitária, Exelénsia Sr. Mariano "Assanami" Sabino ne'ebé akompaña husi Asesór Vise-Primeiru Ministru, Sr. Christopher Samson.



Iha 14 Setembru 2023, ekipa JSMP kompostu husi Diretora Ezekutiva, Sra. Ana Paula Marçal, Koordenadora Unidade Peskiza Legál no Unidade Treinamentu no Advokasia, Sra. Flora Soriano Menezes, Senior Advokasia, Sr. Jose Moniz no

Peskizadora Legál, Sra. Rita Guterres audénsia ho Ministra Solidaridade Sociál no Inkluziun (MSSI), Exelénsia Sra. Veronica das Dores ho ekipa mak hanesan Assesór asuntu ASEAN, Sr. Carolino de Oliveria, Assesora Koopersaun no asuntu sosiál, Sra. Yohana Alexandrina, Assesor Jurídiku, Sr Abilio Silvino Viana no Diretór Jeral MSSI, Sr. Florencio Piana Dias Gonzada S. Audénsia ne'e hala'o iha iha Edifisiu MSSI.



Komisaun A, Parlamentu Nasional (PN), iha 28 Setembru 2023, konvoka audénsia hamutuk ho proponente sira hodi rona direita opiniaun husi Vise-Ministru Justisa, Xefe Casa Sivíl no JSMP kona-ba Projetu Lei Nú.1/VII /1a. Prosedimentu Konsesaun Indultu no Komutasaun ba Pena.

Iha loron 03 Outubru 2023, Diretora JSMP modera diskusaun meja redonda kona-ba empoderamentu feto profesionál sira ne'ebé durante ne'e serbisu ba iha área justisa.



Iha 04 Outubru 2023, Kordenadora Unidade Peskiza Legál no Unidade Treinamentu no Advokasia, Sra. Flora Soriano Menezes sai oradora iha semináriu ne'ebé organiza husi Departementu Jestaun Otelaria,

Iha 09 Outubru 2023, Kordenadora Unidade Peskiza Legál no Unidade Treinamentu no Advokasia, Sra. Flora Soriano Menezes sai oradora iha semináriu ne'ebé organiza husi UNDP ho Ekipa Inisiativa Spotlight ho tema “Aproximasaun ne'ebé sensível ba trauma.



Objetivu husi semináriu ne'e mak atu fahe koñesimentu kona-ba importansia husi sensível ba trauma bainhira fornese assisténsia/ atendementu ba vítima/ sobrevivente VHFL, progresu atual, dezafiu no oportunidade sira hodi bele mellora liu tan atendementu hirak ne'e iha Timor-Leste.

Lansamentu relatóriu

JSMP kada tinan lansa nia relatóriu sira ne'ebe konstitui hosi relatóriu anuál no temátika sira.

Iha 13 Abril 2023, Organizasaun Sosiedade Sivíl tolu hanesan Belun, JSMP no Fongtil ne'ebé parseria ho USAID/Timor-Leste NGO Advocacy for Good Governance Activity lansa ida-idak nia relatóriu peskiza sekundaria liu husi apresentasaun ba relatóriu refere.



Iha 28 Abril 2023, JSMP celebra aniversáriu ba dala XXII no lansa relatóriu anuál tolu no relatóriu temátiku tolu. Relatóriu anuál mak hanesan Observasaun Jerál Setór Justisa, relatóriu Observasaun Parlamentár no relatóriu Instituisiónal. Enkuantu relatóriu temátiku mak hanesan Rekoñesimentu ba Kazamentu tuir Kódigu Sivíl, Labarik Joven Konflitu ho Lei no



Direitu sira Ema ho defisiéns



funshonamentu setór justisa ba utilizadór serbisu tribunál no forneshedór serbisu tribunál iha kazu VBJ atu nune'e bele dezenvolve kompriensan ida kona-ba esperiénsia pozitivu no negativu iha sistema justisa, obstákulu ba asesu no iha fatin ne'ebé bele hadi'ak.

Iha 23 Novembru 2023, Judicial System Monitoring Programme (JSMP) lansa rezultadu survei ho titlu "persepsaun no satisfasaun utilizadór no forneshedór serbisu iha sistema justisa formál iha kazu violénsia bazeia ba jéneru (VBJ).

Objetivu hosi survei ne'e mak atu explora ho kle'an informasaun kona-ba serbisu no



Iha 05 Dezembru de 2023, JSMP no TAF (The Asia Foundation) elansamentu relatóriu peskiza kona-ba sistema justisa lokál iha Timor-Leste no diskusaun kona-ba oinsá haforsa asesu ba informasaun iha sistema justisa.

Objetivu hosi lansamentu relatóriu ne'e mak oinsá atu hatutan rezultadu hosi peskiza ne'ebé JSMP ho TAF halo ba entidade xave sira hanesan

Governu, autór judisiáriu, sosiedade sivíl, ajensia polísia no entidade relevante sira seluk atu bele fó hanoin no buka mekanizmu ne'ebé apropriadu atu solusiona ba deskobrimentu sira hosi rezultadu peskiza ne'e ni'an liuliu iha haforsa asesu ba informasaun iha sistema justisa.



Relasaun no Kooperasaun ho ONG Nasionál & Internasionál

JSMP aleinde envolve an iha rede nasionál sira hanesan FONGTIL, Rede ba Rai no Aliansa ba Tribunál Internasionál (ANTI) no mós ONG nasionál sira seluk, JSMP mós halo kooperasaun ho rede internasionál no rejionál sira hanesan Forum-Asia & Amnistia Internasionál (AI) no partikularmente Diplomacy Training Program (DTP)-Universidade New South Wales (NSW)



ka defénsor direitu umanu sira iha salaun João Paulo, Comoro, Dili.

Iha 21 Agostu 2023, DTP hamutuk ho nia parseiru sira hanesan Judicial System Monitoring Programme (JSMP) no Human Rights Center (HRC)/UNTL halo abertura ba programa treinamentu ba ativista



Oradór iha seremónia abertura ne'e mak Diretór Ezekutivu DTP, Sr. Patrick Eagle, Diretora Ezekutiva JSMP, Sra. Ana Paula Marçal, Diretór Ezekutivu HRC, Sr. Loro Horta no Ministru Direitu Umanu husi Governu Unidade Myanmar, Sr. Aung Myo Min.

Relasaun no Kooperasaun ho Universidade Lokál no Estranjeiru

JSMP estabelese relasaun no kooperasaun di'ak ho universidade lokál sira mak hanesan Universidade da Paz (UNPAZ) no Universidade Timor Lorosa'e (UNITAL) no universidade estranjeiru mak hanesan the Arizona State University (ASU), Estadus Unidus Amerika fasilita no haruka regularmente estudante estajiáriu sira Fakuldade Direitu no Relasaun Internasionál mai halo estájiu iha JSMP.

Iha 07 Juñu 2023, JSMP hala'o serimonia festa simples hodi simu voluntariu Internasionál husi Arizona State University (ASU) no voluntariu nasionál ne'ebé sei destaka ba iha edifísiu filial JSMP ni'an hanesan iha Tribunál Judisiál Primeira Instansia Oekusi, Suai no Baukau hodi hala'o JSMP nia serbisu.



Vonluntáriu Nasionál no Internasionál

JSMP regularmente rekruta no simu voluntariu nasional no internasionál sira hodi apoiu serbisu sira JSMP nian durante periodu tempu fulan neen no tinan ida. Voluntariu internasionál normalmente mai hosi Australian Volunteers International (AVI).



Iha 21 Febreiru 2023, Diretora Ezekutiva JSMP, Sra. Ana Paula Marçal, Adjunto Diretór, Sr. Casimiro dos Santos, halo enkontru ho Sr. Damiao Dato Ceu, hanesan Capacity Building Coordinator-

Counterpart International no Sr. David Kimber no Sra. Frans Siemensma husi Australian Volunteers International (AVI).

Iha 02 Juñu 2023, Sr. Casimiro dos Santos, Jestór Programa akompaña Sra. Ana Paula Marçal, Diretora Ezekutiva JSMP no Sra. Agostinha Cabral, Ofisiál Rekursu Umanu halo



enkontru ho aplikante sira ne'ebé hatama ona sira ninia aplikasaun ba oportunidade treinamentu husi JSMP.

Iha enkontru ne'e Jestór Programa mós esplika kona-ba oportunidade ba Oekusi oan (feto nain 4 no mane nain 4)

hodi halo serbisu voluntáriu iha edifisiu JSMP iha jurisdisaun Tribunál Judisiál Primeira Instánsia depoisde tuir treinamentu ne'ebé sei hala'o iha loron rua iha 5 - 6 Juñu 2023.

Enkontru no Asina Kontratu ho Doadór

Normalmente, JSMP halo enkontru ho doador sira hodi asina akordu no mós atu halo avaliasaun ba progresu implementasaun programa sira. Alende, bainhira halo ajustamentu ba orsamentu, JSMP sempre organiza enkontru ho doador sira hodi bele diskute hamutuk no foti desizaun.



Ihs 11 Maiu 2023, Sr. Casimiro dos Santos, Jestor Programa JSMP, Sra. Ingrasia Maia Pereira, Jestór Finansa no Sra. Filomena de Almeida, Asistente Finansa no Baze de Dadas

hala'õ enkontru ho ekipa tekniku *Serviço de Apoio à Sociedade Civil e Auditoria Social (SASCAS)*, Sr. João Freitas no Sra. Dionizia M de J. L. Pereira.

Iha 15 Maiu 2023, Diretora Ezekutiva JSMP, Sra. Ana Paula Marçal akompaña husi Adjuntu Diretora JSMP, Sr. Casimiro dos Santos no ekipa, asina kontratu ho Prezidente Autoridade Rejiaun Administrativa Espesial Oekusi Ambeno (RAEOA) ZEEMS-TL, Sr.



Arsenio Paixão Bano ba programa haforsa setór justisa no promove asesu justisa formál ba feto no labarik. Programa ne'e ho orsamentu hamutuk US\$42, 386.96.

Atividade espesífiku ba programa ne'e mak fornese assisténsia legál ba vítima krime violénsia bazeia ba jéneru, fó formasaun iha área lei no fó oportunidade ba Oekusi oan ne'ebé remata ona nia estudu iha direitu hodi halo serbisu voluntariu iha JSMP. Alende ne'e, halo mós dezaminaun informasaun kona-ba asesu ba justisa formál ba públiku no halo advokasia.



Iha 12 Julu 2023, JSMP ne'ebe representa hosi Sra. Ana Paula Marçal nu'udar Diretora Ezekutiva no UN WOMEN ne'ebe representa hosi Sra. Nishtha Satyam, Head Office UN



Women Timor-Leste, asina akordu ida hodi hala'o projetu kona-ba hasa'e kapasidade comunidade hodi hametin atendimentu no prevensaun ba krime tráfikú umanu iha Timor-Leste. Projetu ne'e ba fulan neen ho total orsamentu hamutuk US\$110,000.00.



Diretora Ezekutiva JSMP, Sra. Ana Paula Marçal akompaña husi Jestór Programa Sr. Casimiro dos Santos, ohin 31 Agostu 2023 iha Palasiu Governu, asina akordu serbisu ba Fundu Subvensaun Públiku entre IX Governu Konstitusionál liuhosi Serbisu Apoiu Sociedade Sivíl no Auditória Sosiál

(SASCAS) ho Diretór Ezekutivu SASCAS Sr. Edvin Duarte Soares Noronha, totál fundu US\$ 30,000.00 (rihun tolu nulu, dolar Amerikanu) ba tempu fulan 5.




Iha 14 de Dezembru 2023, JSMP simu fundus hamutuk US\$ 30,000 husi



UNDP liu hosi Projetu "Hamutuk ba Igualidade.

Publikasaun



Programa Televizaun & Rádiu

Programa TV



Iha 17 Abril 2023, Sr. Mateus Xavier, Staff Peskizadór JSMP, modera programa TV “Ita nia Bainaka” iha RTTL,IP ho tópiku kona-ba Ita hotu nia responsabilidade atu prevene envolvimentu labarik sira iha tempu kampaña eleitorál no Eleisaun Parlamentár. Programa ne’e organiza husi Institutu para a Defesa dos Direitos da Criança (INDDICA,IP).

Oradór ba programa ne’e mak :

- Sra. Dinorah Granadeiro, Prezidente INDDICA,IP
- Sra. Odete Belo, Komisária CNE (Reprezentante Prezidente CNE)
- Superintendente Sr. Jorge Monteiro, Xefe Departamentu Investigasaun Kriminál (Reprezentante Komandante Jerál PNTL)
- Sr. Virgilio da Silva Guterres, Provedór Direitus Umanus no Justisa (PDHJ)

Iha 21 Setembru 2023, JSMP representa hosi Diretora Ezekutiva, Sra. Ana Paula Marcál sai oradora iha Indepentende TV liuhusi Programa "Ko'alia Sai" ho tópiku "Entre Utilizasaun Armas ho Defende Direitu Umanus". Orador importante seluk mak mai husi Komando PNTL ne'ebé representa



hosi Inspetór Jerál, Superintendente Xefe Sr. Jorge Monterio no Fundasaun Mahein representa hosi Diretór Ezekutivu, Sr. Nelson Belo.

Entrevista

Iha 10 Marsu 2023, Jornalista husi Grupu Mídia Nasionál (GMNTV) no jornalista husi jornál Timor Post dada-lia liuhusi entrevista ho Sr. Jose Pereira hanesan Koordinadór Unidade Observasaun Parlamentár iha JSMP hodi husu hanoin ka pontu devista relaciona ho kandidatura ba Komisáriu Komisaun Anti Korrupasaun (CAC).



Iha 08 Maiu 2023, ekipa jornalista husi Rádiu Televizaun Timor-Leste (RTTL),ep dada-lia liuhusi entrevista ho Sr. Jose Pereira, nu'udar Koordinadór Unidade Programa Observasaun Parlamentu JSMP kona-ba observasaun no hanoin JSMP nian relaciona ho funsinamentu



Parlamentu Nasionál iha períodu kampaña eleisaun parlamentár 2023 nian.



Iha 05 Juñu 2023, jornalista jornál Independente no GMN TV entrevista ho Sra. Ana Paula Marçal, Diretora Ezekutiva JSMP. Asuntu entrevista ni'an mak JSMP ninia rezultadu observasaun ba iha Tribunál Judisiál Primeira Instansia sira ba prosesu julgamentu kazu violénsia bazeia ba jéneru.

Iha 27 Outubru 2023, Jornalista hosi Mídia GMN-TV halo entrevista ho Vise-Diretór JSMP, Sr. Casimiro dos Santos kona-ba pontu devista JSMP nian ba iha Alterasaun Lei Nú. 3/2014 kona-ba kria Rejiaun Administrativa Especial Oecusse Ambeno no Estabelese Zona Especial ba Ekonomia Sosisiál Merkadu (RAEOA-ZEESM)



Iha lora 24 Outubru 2023, Team mídia Yayasan HIVOS halo entrevista ho ekipa JSMP kompostu hosi Diretora Ezekutiva no Jestor Programa kona-ba atinjimentu programa sira HIVOS nian ne'ebé durante ne'e JSMP hala'o. Alende ne'e, ekipa mídia HIVOS mós entrevista staff

peskizadór legál JSMP nian bainhira halo hela monitorizasaun iha Tribunál Judisiál Primeira Instansia Dili inklui mós foti filmazen serbisu Unidade Asisténsia Legál nian. Video refere sei loka iha Eventu Festival liga ho Aprende ne'ebé hanesan enseramentu mós ba Projeitu CSG-TL. Festival ne'e ho tema "Haforsa ita-nia sociedade liuhosi kolaborasaun inkluziva ba nasaun ida ne'ebé prosperu no forte".



Journal Nasional

Atu aseguira publikasaun regulár ba informasaun sira JSMP nian, iha 2023 JSMP kontinua halo kontratu ho jornál Timor Post, Diário Nacional no Jornál Independente.

JSMP nia publikasaun iha Jornál Independente, Diariu Nasional no Timor Post no total ema ne'ebé asesu ba JSMP nia publikasaun tuir produsaun husi jornál tolu hamutuk 5000.



Iha período relatóriu ida ne'e, JSMP nia publikasaun iha Diário Nacional hamutuk dala 46 x 1000 ka 46000 ezemplar, Timor Post dala 46 x 1000 ka 46000 ezemplar, Journál Independente dala 34 x 800 ka 27200 ezemplar no Journál STL dala 34 x 800 ka 27200 ezemplar.

Página JSMP nian

Pagina Facebook, email list no Website



JSMP regularmente atualiza JSMP nia rezultadu serbisu sira, monitorizasaun iha Tribunál, monitorizasaun iha Parlamentu Nasionál, Asistencia Legál ba vítima sira violénsia bazeia ba jéneru inklui serbisu advokasia, liuhusi JSMP nia pagina face book, email list no website, iha período ne'e Janeiru-Dezembu 2022 JSMP nia parseiru sira ne'ebé asesu ba JSMP nia publikasaun iha website: www.jsmp.tl no total ema ne'ebé asesu ba publikasaun iha pagina facebook <https://web.facebook.com/JSMP2022/> hamutuk rihun haat atus neen (4.600) detallu haree iha statistika iha kraik:

Halibur osan/Fundraising



Sentru Formasaun Legál (SFL), Canosa-Manleu, Dili, nu'udar facilidade ne'ebé bele fasilta JSMP hodi fornese formasaun legál ba parte interesadu sira no mós públiku bele uza mós ba halo enkontru ka diskusaun ruma. Sentru ne'e sai hanesan fonte ba halibur osan ba instituisaun.

Durante loran rua hahú husi 5-6 Juñu 2023, JSMP fasilta treinamentu ba estudante finalista no lisensiadu iha área



direitu hamutuk ema na'in 16. Programa treinamentu ne'e parte ida husi komitmentu JSMP nian tuir akordu ne'ebé mak asina ho Prezidente Rejiaun Autonomía Espesial Oekusi Ambeno (RAEOA) iha fulan Maiu 2023.



JSMP fornese regularmente formasaun ba estudante finalista direitu sira kada tinan.

Atividade formasaun ida ne'e nu'udar atividade ida husi atividade sira fundraising JSMP nian.

Objetivu husi atividade formasaun ne'e mak atu tulun estudante finalista no lisensiadu sira direitu nian atu bele hasa'e sira-nia kuñesimentu no fasilta sira-nia asesu ba merkadu traballu.

Formasaun ne'e, JSMP anúnsia liuhusi FB JSMP nian no mós iha edificiu sentrál iha Colmera, Dili

Iha 28 Maiu 2023, JSMP kontinua fasilta formasaun hodi hasa'e kuñesimentu estudante universidade sira kona-ba Kódigu Prosesu Penál faze daruak ni'an ne'ebé ko'alia liu ba iha faze julgamentu.

Orsamentu

Tabela 2: Orsamentu 2023

NO	DOADOR	TOTÁL APROVA ORSAMENTU	TOTÁL ORSAMENTU UZA	TOTÁL ORSAMENTU LA UZA
1	ASIA FOUNDATION (TAF - NABILAN)	\$79,500.02	\$57,747.82	\$21,752.20
2	ASIA FOUNDATION (TAF - PASK)	\$161,505.71	\$150,920.28	\$10,585.43
3	SASCAS	\$30,000.00	\$29,324.07	\$675.93
4	UN WOMEN	\$110,000.00	\$110,000.00	\$-
5	RAEOA	\$42,386.96	\$40,912.50	\$1,474.46
6	UNDP/KOICA	\$45,000.00	\$44,296.62	\$703.38
7	SPOTLIGHT	\$35,000.00	\$34,958.31	\$41.69
8	HIVOS	\$34,000.00	\$34,316.91	-\$316.91
9	COUNTERPART	\$69,187.10	\$31,606.07	\$37,581.03
TOTÁL		\$606,579.79	\$534,082.58	\$72,497.21

NB: Orsamentu hosi TAF-PASK, UNDP/KOICA no Spotlight aprova entre Setembru no Outubru 2022 no kontinua kobre atividade sira iha 2023.

Atividade 2024

Iha 2024, JSMP kontinua ninian atividade prinsipál sira mak hanesan monitorizasaun tribunál no Parlamentu Nasionál no fornese assisténsia legál ba feto no labarik sira. JSMP mós sei kontinua halo treinamentu ba comunidade sira iha área remota no hasa'e kapasidade funsióriu sira nian hodi bele kontribui ho di'ak liu tan ba implementasaun programa sira. JSMP mós kontinua hametin relasaun ho parseru sira iha nível nasionál no internasionál.

Manajementu

- Kontinua buka fundus hodi apoia kontinuasaun programa;
- Halo planu ba *fundraising* tuir polítika fundraising nian
- Halo avaliasaun ba dezempeñu funsióriu sira-nian;
- Revee planu estratéjiku JSMP no defini planu anuál ba kada programa no halo ajustamentu nesesáriu ba programa sira;
- Identifika oportunidade hodi fó kapasitasaun ba funsióriu sira inklui kontinua halo prosesu kaderizasaun ba funsióriu sira ba pozisaun importante iha JSMP nian;
- Hametin relasaun ho parseiru sira, inklui ONG sira, governu, autór tribunál no universidade;
- Hametin rede servisu ho organizasaun nasionál no internasionál iha nível nasionál, rejionál no internasionál.

Unidade Peskiza Jurídiku (LRU)

- Monitoriza kazu iha tribunál Distritál haat, inklui Tribunál Rekursu;
- Hala'o atividade treinamentu, peskiza no disemina informasaun kona-ba direitu umanu no asesu sistema justisa formál;
- Prodús sumáriu kazu kada fulan;
- Prodús komunikadu imprensa ba asuntu interesante no atuál ruma ne'ebé deskobre iha tribunál durante halo monitorizasaun;
- Prodús relatóriu anuál ba Observasaun Jerál Setór Justisa iha 2023;
- Prodús relatóriu temátiku ba asuntu relevante iha setór justisa.

Unidade Treinamentu no Advokasia (UTA)

- Organiza no disemina informasaun liuhusi *website*, *Facebook*, e-mail-lists no mídia hanesan jornál, televizaun no rádiu;
- Kontinua halo advokasia ba asuntu inestu (alterasaun ba Kódigu Penál), alterasaun ba Kodigu Sivil kona-ba rekonesimentu ba kazamentu iha

provizaun Artigu 1475.

- Prodús materiál sira JSMP nian mak hanesan buletin mensál (*Newsletter*), broxura, *banner* no konvite sira;
- Kontribui ba halo treinamentu.

Unidade Programa Observasaun Parlamentu (POP)

- Halo monitorizasaun ba atividade parlamentu iha sesaun plenaria, enkontru Komisaun A no fikalizasaun ba distritu;
- Publika informasaun kona-ba atividade no lala'ok Parlamentu Nasionál ba públiku liuhosi mídia;
- Halo analiza ba lei sira ne'ebé mak prodús husi Parlamentu Nasionál hodi fo komentáriu no rekomendasaun hodi hadi'a lei sira ne'e;
- Apoiu unidade LRU iha halo monitorizaun ba tribunál;
- Prodús relatóriu anuál POP 2023;
- Halo analiza no revizaun legál ba Konstituisaun no lei relevante sira hodi fornese relatóriu no paraser.

Unidade Asisténsia Legál ba Feto no Labarik

- Fornese assisténsia legál ba feto no labarik;
- Mediasaun ba kazu sivíl;
- Halo dokumentasaun no relatóriu kona-ba atividade assisténsia legál nian.

Servisu atu garante



Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275

Telephone: 3323883 | 77257466

website: www.jsmp.tl & FB: www.facebook.com/timorleste.jsmp